

Edita Selimović - Završni magistarski rad

Fakultet/Akademija	FILOZOFSKI FAKULTET
Tip Rada	Završni magistarski rad
Kandidat, zvanje	Edita Selimović
Naziv Teme	Socijalni uzroci nasilja nad ženama u porodici
Rezime/Abstract	Predmet istraživanja je obuhvatio sagledavanje socijalnih uzroka pojave nasilja nad ženama u porodici na području Tuzlanskog kantona u periodu od 2006 do 2012. godine. Prema Sociološkom leksikonu (1982.): „Nasilje je upotreba fizičke sile da bi se iznudilo određeno ponašanje ljudi. Može se vršiti i drugim sredstvima, a ne samo fizičkom silom. Ono obuhvata eskalirajuće oblike ponašanja pod kojim se podrazumijeva: fizičko zlostavljanje, ekonomska manipulacija, socijalno zlostavljanje i seksualno zlostavljanje.“ Istraživanje se odnosilo na individualne, porodične i društvene faktore koji dovode do pojave nasilja nad ženama. Pored socijalnih uzroka nasilja, istraživala se zastupljenost kao i najčešći oblici nasilja nad ženama u porodici, zatim mogućnosti institucija i organizacija na prihvatanju, tretmanu i reintegraciji žene žrtve nasilja, kao i učestalosti i vrste izricanja krivičnih sankcija i zaštitnih mjera za počinitelja nasilja. Istraživanje je provedeno u vremenu od 01. februara 2015. do 31. novembra 2015. Obuhvaćeno je 30 žena žrtava nasilja i 60 stručnih osoba uposlenih u 13 centara za socijalni rad, zatim 5 stručnjaka uposlenika UG "Vive žene" i 10 policijskih službenika iz MUP-a Tuzlanskog kantona. Cilj istraživačkog rada bio je ispitati izloženost žena porodičnom nasilju, zatim vrste nasilja, učestalost i sl. Osnovni cilj je bio multifaktorskim pristupom utvrditi koji individualni, porodični i sociokulturalni faktori imaju odlučujući uticaj na nastanak i razvoj nasilja nad ženama u porodici u istraživanom periodu. Polazna hipoteza odnosila se na stav da je nasilje nad ženama u porodici uzrokovano interaktivnim djelovanjem većeg broja faktora koji su grupirani na tri nivoa: individualnom, porodičnom i sociokulturalnom. U radu su korištene metode analize sadržaja dokumenata, komparativna i statistička metoda. Za obradu podataka korišten je SPSS program. Istraživanje pokazuje da je veliki broj žena koje su žrtve nasilja u porodici, najčešće od strane bračnog ili vanbračnog partnera, te da mnoštvo različitih socijalnih uzroka dovodi do pojave nasilja nad ženama unutar porodice. Socijalna podrška kao i dobre porodične interakcije mogu povoljno djelovati na dignitet žene i ujedno biti protektivni faktor u zaštiti žena od nasilja. Sve navedene činjenice upućuju da bi se društvena zajednica trebala više baviti preventivnim aktivnostima u zaštiti žena od nasilja.
Datum	11.05.2016
Predsjednik	dr. sc. Nijaz Karić, vanredni profesor izabran za užu naučnu oblast „Teorija i metodologija socijalnog rada“ na Filozofskom fakultetu Univerziteta u Tuzli
Mentor	dr. sc. Hariz Šarić, vanredni profesor izabran za užu naučnu oblast „Posebna područja socijalnog rada“ na Filozofskom fakultetu Univerziteta u Tuzli
Član komisije	dr. sc. Erna Lučić, docent izabrana za užu naučnu oblast „Teorija i metodologija socijalnog rada“ na Filozofskom fakultetu Univerziteta u Tuzli
Član komisije	-
Član komisije	-
Zamjenski član	doc. dr. Asim Pandžić
Dodatni detalji i lokacija	Dana 11.05.2016. godine u 13:00 sati na Filozofskom fakultetu Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.